



Gij Vah Saenzgeiz Lauxsae

老师神奇的话

byoeg ma daengz gyausiz, ndat ndaej lumj malwg nei iet linx okdaeuj. Lauxsae byaij haeuj gyausiz, yawj gou mbat he, gou hwk dwk suk gaiqlinx haeuj bak bae. Lauxsae cix riuriu, lumjdwg naeuz: “Gij yiengh mwngz caen dwggyaez.”

Hwnjdangz lo, lauxsae youq gwnz gangjdaiz nyinhcaen gangj goq, gou cix youq baihlaj raninz. Lauxsae dingz roengzdaeuj naeuz: “Seizhah ha, duznnon raninz ndonj haeuj ndaw ndang vunz bae lo.” Daihgya dingq mbouj rox dwg gijmaz eiqsei, cij miz gou gag rox, lauxsae dwg yungh cungj fuengsik neix daeuj daezsingj gou.

Miz baez ndeu, lauxsae okdaeuj hawj dou guh, gou daez he hix mbouj rox guh, gou couh ngaenzngwd yawj denhvahbanj. Lauxsae gvaqdaeuj yawjyawj denhvahbanj naeuz: “Gwnz denhvahbanj miz gijmaz ne?” Gou sikhaek hoiz gvaq saenz daeuj. Lauxsae yawj daezmoeg gwnz daiz gou, riunyumnyum cam: “Mwngz gyaenz gaeb mbungqmbaj lwi?” Gou ngaekngaek gyaen. Lauxsae youh cam: “Mwngz gyaenz gyaendei lwi?” Gou youh ngaekngaek gyaen. Lauxsae lumhlumh aenhangz naeuz: “Mwngz aeu gij daez neix dangqguh mbungqmbaj, couh suenq de mbouj gyaen-

ndei, mwngz lai yawj geij baez, couh yawjraen gij gyaendei baihdaw de, yienzhaeuh ra aen seizgei ndei gaeb dawz de, couh ndaej lo.” Lauxsae gangj sat couh byaij bae. Yienghneix, gou caen aeu daezmoeg dangqguh mbungqmbaj daeuj gaeb, mbatneix gou raen gij daezmoeg neix mbouj lumj gou siengj haenx guh dwgengz lo. Ngoenz haenx gou gag caeg angq, aenvih daengx ban cijmiz gou ndaejdaengz lauxsae daezdiemj, hix cijmiz gou guh doiq daezmoeg cei q lai.

Gij vah lauxsae doiq gou gangj haenx, gou daengxciuh nanzlumz.

(haj nienzgaep Lij Beidenh)

Lingzlwg Suenqsoq

小猴算账

Daxboh yaek bae rog aeu huq, lauhei q ndaw bouq mbouj miz vunz yawj. Lingzlwg Coeng-coeng couh gag naeuz: “Boh, gou daeuj yawj aenbouq.”

Daxgoengyiengz daeuj-daengz ndaw bouq cawx doxgaiq, Coengcoeng yiedcingz cam naeuz: “Daxgoengyiengz, siengj cawx gijmaz ha?”

“Ranz dou 7 duz yiengz-lwg. Mbwn nit lo, gou siengj cawx hawj gyoengqde moix vunz aen daehraemxndat caeuq gouh madfwngz he.”

“Daehraemxndat moix aen 37 maenz, madfwngz gouh 23 maenz, itgungh 420 maenz.” Coengcoeng siengj hix mbouj siengj couh gangj ok bak.

“Coengcoeng, mwngz suenq ndaej baenzneix vaiq,

mbouj suenq loeng ba?” Dax-goengyiengz di ndeu cungj mbouj cuengqsim, dawz aen gisongi gwnz daiz daeuj suenq baez ndeu.

“7 aen daehraemxndat dwg $37 \times 7 = 259$ (maenz), 7 gouh madfwngz dwg $23 \times 7 = 161$ (maenz), itgungh $259 + 161 = 420$ (maenz).” Daxgoengyiengz doek-saet dwk naeuz: “Va, Coeng-coeng, mwngz suenq ndaej caen doiq! Vaiq gangjgangj mwngz dwg baenzlawz suenq.”

“Baihndaw miz banjdaeuz bw! Mwngz yawj, moix aen daehraemxndat 37 maenz, moix gouh madfwngz 23 maenz, yienghneix aen daehraemxndat he caeuq gouh madfwngz he gyoeb-suenq couh dwg $37 + 23 = 60$ (maenz), 7 aen daehraemx-



ndat caeuq 7 gouh madfwngz itgungh $60 \times 7 = 420$ (maenz). Gizsaed, hix ndaej yawj guh gou aeu gij suenqfap mwngz yungh swngzlap faenboiqlwd genjvaq daeuj suenq lo. Mwngz mbouj saenq gou couh sij hawj mwngz yawj!” Coengcoeng gangj le couh youq gwnz cei sij diuz suenqsik he: $37 \times 7 + 23 \times 7 = (37 + 23) \times 7 = 420$ (maenz)

Daxgoengyiengz ngaek gyaen naeuz: “O, laxlawz dwg yienghneix ha! Gou ngoenzneix youh hag rox cungj fuengfap suenqsoq he lo.” (Liuz Siu)

Gaeqcing

鸡精儿



Ranz gou ciengx bang gaeq he, ndawde miz duz gaeqseng he, lumj duzhanq yienghneix hung. Bwn de ndingrongh, vifung dangqmaz, song gaiq nyauj de youh co youh hung, caiq gyahwnj bak de soemset,

gij gaeq wng raen de cungj ndoj deuz. Duzgaeq lawz gamj caeuq de ciengj gwn, haengjdingh deng de dot yaek dai bae. Couh lienz duzma ranznden hix mbouj gamj gvaq ranz gou daeuj, vunz ranz gou heuh de guh “gaeqcing”


“Gaeqcing” lij rox caeg gyaen gwn. Gaeqmeh ok gyaen le, duz gaeqseng doeng yawjyawj sae yawjyawj, raen mbouj miz vunz, couh ndonj haeuj ndaw rongzgaeq bae. De sien yungh nyauj de sai q aen’gyaeq okdaeuj, yienzhaeuh aenbak doiq cinj byakgyaeq dot roengzbae, dawz aenbak iet haeuj ndaw bae, itmienh ndoet itmienh hemq, couh lumj lwg-nyez baez daih’ it ndaej gwn dangz nei angqvauvau. Gwn sat le, nyauj de couh dik byakgyaeq haeuj ndaw gungx bae, enjaek ngaungau byaij bae lo. Yahdaiq

moix baez cungj ndaq duz-nouguk caeg gyaen gwn, cig-daengz gou fatyienh aen mimiz neix.

Dangyiengz, “gaeqcing” hix miz giz ndei de. Geij ngoenz gonq, gaeqmeh ranz gou youh faeg ndaej rouh gaeqlwg he. Duz nou hung he ndonj haeuj ndaw hongh daeuj, roemxhaeuj ndaw gaeqlwg bae couh haeb, gaeqmeh swenjoekgoek mbouj rox baenzlawz guh cij ndei. Mwh-haenx, “gaeqcing” song gaiq fwe baez bek, coemj coh duznou, youh dot youh nyauj youh hemq. Sing doxhoenx gingdoengh vunz ranznden, mwh daihgya buet daeuj yawj, duznou gaenq deng “gaeqcing” dot dai lo.

Daj mwhde hwnj, gou yawjraen duz gaeqseng neix engq vifung lo.

(haj nienzgaep Houz Ganghyiz)



Gyo'mbaiq Baez Ginglig Haenx

感谢那次经历

Ngoenzhaenx, dingqgangj ndaw sinhvaz suhden daengz buek saw 《Siujhagseng Cozvwenz Senj》 he, gou angq dwk youh saet youh diuq, aenvih bonj saw neix gou muengh haemq nanz lo.

Banngaiz, gou lienz haeux hix goq mbouj ndaej gwn, couh gwih danci bae sinhvaz suhden. Gvaq yaep he, gwnz mbwn bienq ndaej raemhcubcub, fwj ndaemndatndat. Gou rox yaek doekfwn lo, gou gag siengj, byaij daihloh bei byaij loh’ iq gyaen, gou youh mbouj dawz liengj, byaij loh’ iq vaiq di. Caen dahraix, daengz buenq loh couh doekfwn lo. Loh’ iq gumzgumz gamxgamx, danci gig nanz gaem ndaej bingz, doeklaeng gou caeuq danci caez laemx roengz naz henz loh bae lo. Go’gyaj deng gou dimz ndaej ngeng bae ngeng dauq, gouh-haiz moq gou hix uq ndaej mbouj baenz yiengh lo. Cawx saw youqgaen, gou benz hwnjdaeuj laebdaeb gwih ci bae sinhvaz suhden.

Dauqdaeuj cawx ndaej bonj 《Siujhagseng Cozvwenz Senj》 lo. Byaij ok diemqsa, fwn engq hung lo. Gou lij ciuq loh daeuj haenx dauqma. Byaij daengz henz naz haxbaenh gou laemx haenx, yawjraen dah niq 10 bi baedauq he youq ndaw naz, cingq fuz gij gyaj deng gou dimz haenx hawj cingq. Gou mumjgyumq dingqny de naeuz: “Dwg byawz baenzneix dwgcaengz ha, dawz gij gyaj ranz gou dimz laemx couh suenq lo, baenzlawz hix mbouj bang fuz cingq ne? Heiqndat lai lo!”

Gou youq henz najmong dwk ngaem gyaen roengzdaeuj. Daj mwh haenx hwnj, gou guh saeh caiq hix mbouj simgaen simgip lo.

(roek nienzgaep Ciz Cingzvwenz)